

**Марказий банк томонидан “Бутунжаҳон жамғариш куни”
(World savings day) доирасида “Банк омонатлари ёрдамида
жамғармаларни шакллантириш” мавзусида “Молиявий саводхонлик
бўйича энг яхши дарс” танловини ўтказиш
ҚОИДАЛАРИ**

1. УМУМИЙ ҚОИДАЛАР

1.1. Ушбу ҳужжат “Бутунжаҳон жамғариш куни” (World savings day) доирасида “Банк омонатлари ёрдамида жамғармаларни шакллантириш” мавзусида “Молиявий саводхонлик бўйича энг яхши дарс” танловини (бундан буён матнда Танлов деб юритилади) ташкил этиш ва ўтказишни тартибга солади.

1.2. Ушбу Танлов Марказий банк томонидан ўтказилиб, умумтаълим мактабларида ўқитиладиган фанлар негизида ташкил этилади.

1.3. Танлов ўқитувчилар учун касбий билимларни, кўникмаларни кўллаш ва касбий компетенцияларини намоиш этиш бўйича беллашувдир.

2. ТАНЛОВ МАҚСАДИ

Танлов ўқув фанларига молиявий саводхонлик компонентини киритиш орқали мактаб ўқувчилари орасида молиявий саводхонликни ва молиявий таълимни оммалаштириш мақсадида ўтказилади. Танлов мақсадларидан келиб чиқиб қуйидаги вазифалар белгиланади:

- молиявий саводхонлик соҳасида таълим сифатини ошириш;
- молиявий саводхонлик соҳасида педагогик тажрибани шакллантириш;
- ўқув жараёнининг услубий таъминотини такомиллаштириш;
- мактаб ўқувчиларининг молиявий маданиятини ривожлантиришга кўмаклашиш.

3. ТАНЛОВ УЧУН МАВЗУЛАР

3.1. Танлов 5-11 синф ўқитувчилари ўртасида банк омонатлари ёрдамида жамғармани шакллантириш соҳасида дарснинг услубий ишланмасини тайёрлаш ва дарс ишланмаси асосида ташкил этилган дарсдан ташқари машғулотлар бўйича ўтказилади.

3.2. Дарслар ўқув фанлари доирасида олиб борилади.

4. ТАНЛОВНИНГ ТЕХНИК ШАРТЛАРИ

4.1. Танлов мавзусига мос ҳолда ташкил этилган дарснинг услубий ишланмалари ва исталган техник аппарат ёрдамида суратга олинган (яратилган) видеороликлари тақдим этилиши мумкин.

4.2. Услубий ишланмаларга қўйиладиган талаблар:

Услубий ишланмалар .doc ёки .docx электрон форматида, 5 дан 15 бетгача тақдим этилади ва эркин форматда шакллантирилади.

Электрон ҳужжат куйидагиларни ўз ичига олиши зарур:

- аннотация (мавзу, мақсад, вазифалар, фойдаланилган методлар, дарс самарадорлиги);

- калит сўзлар (5-10 та атама);

- дарс сценарийси;

- иловалар (ўқитувчининг хоҳишига кўра).

4.3. Видеороликка қўйиладиган талаблар:

- видео формати: MP4 x 264;

- видеонинг пикселлар сони – 1080p, 720p (кенглик учун минимал ўлчам 1280 пиксел; баландлик учун минимал ўлчам 720 пиксел);

- видеороликнинг давомийлиги - 20 дақиқагача;

- видеороликнинг охирида мактаб рақамини кўрсатувчи ахборот бўлиши зарур.

4.4. Материаллар таркибида учинчи шахсларнинг ҳуқуқларини бузиши мумкин бўлган ва / ёки Ўзбекистон Республикаси қонунларига зид бўлиши мумкин бўлган реклама ва маълумотлар бўлмаслиги зарур.

4.5. Муаллиф асарларни танловга юбориш орқали автоматик равишда Танлов ташкилотчиларига тақдим этилган материаллардан нотижорат мақсадларда фойдаланиш ҳуқуқини беради (интернет тармоғида, телевидениеда жойлаштириш ва ҳ.к.).

5. ДАРС ЖАРАЁНИГА ҚЎЙИЛАДИГАН ТАЛАБЛАР

5.1. Услубий ишланма ва молиявий саводхонлик дарси куйидаги талабларга жавоб бериши зарур:

- услубий ишланма ва дарснинг мазмуни Танлов мавзуси ва мақсадига мос келиши;

- материал тизимлаштирилган бўлиши;

- услубий ишланма маълум материаллар, босма ва электрон ресурслар манбаларини ўз ичига олиши зарур;

- дарсларда Марказий банкнинг ўқув фанларига молиявий саводхонлик компонентларини киритиш бўйича услубий ишланмасидан фойдаланиш мумкин.

Шунингдек, танловга ўқувчиларнинг дарс давомида бажарилган ишлари (расмлар, композициялар, иншолар, тақдимотлар, ижодий ишлар ва бошқалар) юборилиши мумкин.

6. ТАНЛОВНИ ТАШКИЛ ЭТИШ ТАРТИБИ ВА ШАРТЛАРИ

Танлов бўйича ижодий ишлар **2021 йил 29 октябргача** қабул қилинади.

2021 йил 29 октябрдан кейин юборилган Танлов бўйича ишлар Танловда иштирок этишига рухсат берилмайди.

Танловда иштирок этиш Танлов шартларига розиликни англатади.

Муаллиф автоматик тарзда ўз ижодий ишларини Марказий банкнинг расмий каналлари, молиявий саводхонлик бўйича ижтимоий тармоқ саҳифаларида нашр қилишга розилик беради.

7. ТАНЛОВ МАТЕРИАЛЛАРИНИ БАҲОЛАШ

7.1. Танлов иштирокчилари қуйидаги мезонларга мувофиқ баҳоланади:

- молиявий саводхонлик компонентини ўқув фанларига киритилганлик даражаси;

- дарсга ижодий ёндашув;

- машғулотларни ўтказиш учун интерактив формат (ўқувчиларнинг фикри);

- қўшимча материаллар ва манбалардан фойдаланиш.

7.2. Биринчи ўрин эгаларига диплом ва совғалар топширилади.

7.3. Ҳолиблар тўғрисидаги маълумотлар оммавий ахборот воситаларида шахсий маълумотлар (ўқитувчининг фамилияси, исми, отасининг исми, лавозими, иш жойи ва олиб борадиган ўқув фани) кўрсатилган ҳолда эълон қилинади.

7.4. 5-бандда кўрсатилган шартларга жавоб бермайдиган ижодий ишлар ҳакамлар ҳайъати томонидан кўриб чиқилмайди.

7.5. Танлов бўйича ижодий ишларга тақриз берилмайди ва ишлар қайтарилмайди. Танлов жараёнлари ва натижалари бўйича шикоятлар қабул қилинмайди.

7.6. Танлов ҳакамлар ҳайъати аъзоларининг камида 60 фоизи Танлов ишларига овоз берган тақдирда натижалар инобатга олинади.

7. АРИЗАЛАРНИ ТАҚДИМ ЭТИШ

Иштирокчилар танлов бўйича ўз видеороликлари ва аризаларини konkurs.cbu@gmail.com электрон почта манзилига юборишлари (хат мавзусида “World savings day” ўқитувчилар танлови деб кўрсатилиши зарур), шунингдек ташқи хотира қурилмалари (флешка, DVD диск ва ҳ.к.) ёрдамида Марказий банк биносига олиб келиб беришлари мумкин.

Қўшимча саволлар юзасидан қуйидаги телефон рақамига мурожаат қилинг: +99871 212-73-56, +99871 212-73-58.

АРИЗА ШАКЛИ

Мақтаб ўқитувчиси Ф.И.Ш.	
Ўқув фани	
Алоқа телефон рақамлари	
Мақтаб рақами, манзили	
Уй манзили	